

La Quotidiana
 7007 Chur
 081/ 255 52 52
<https://www.suedostschweiz.ch/laquotidiana>

Medienart: Print
 Medientyp: Tages und Wochenendpresse
 Auflage: 3'359
 Erscheinungsweise: täglich



Seite: 3
 Fläche: 83'358 mm²



Auftrag: 3009371
 Themen-Nr.: 140008
 Referenz:
 22e87db2-a695-4dbd-b262-a61d9fa359d4
 Ausschnitt Seite: 1/4

«Ina situaziun da midada fundamentala»

HANS HUONDER/FMR

Ils baghetgs dalla claustra dominicana a Glion ein concepì per la veta e lavur da 200 soras. Ussa vivan leu aunc 70 e da quellas han sulettamein duas aunc buca contonschiu la vegliadetgna d'AVS. Cun in'exposiziun da projects co nezegiar autramein igl avegnir la casa che surveva pli baul sco scola da puras e tenercasa, vulan las soras e lur emploiadas arver la discussiun pil nez futur da tut ils baghetgs. La vernissascha dall'exposiziun ha giu liug il venderdis.

La claustra dallas **dominicanas** a Glion ei buca da surveser. Buca da surveser ei era igl engaschi dalla cuminonza dallas soras en Surselva e lunsch sur ils cunfins da quella ora. Ellas han fundau spitals, denter auter il spital a Glion, han iniziàu scolas e scolettas, menau casas da tgira ed ein stadas engaschadas en internats e la formaziun e scolaziun da dunnas giuvnas. Culla vegliadetgna dallas soras va quei engaschament a fin (mira box). Per quei motiv fa la cuminonza patratgs pil diever futur da ses baghetgs. «Nus essan en ina situaziun da midada fundamentala. Quei ch'ei oz la realitad era avon paucs onns aunc strusch imaginabel», di sora **Annemarie Müller**, presidenta dil cussegl da fundaziun e priura generala dallas **dominicanas** da Glion.

La discussiun ei lantschada in dils baghetgs sigl areal dalla claustra dominicana ei la **Casa Vinavon**. Da 1956 entochen 1995 ha quella surviu sco scola da puras e tenercasa, suenter entochen 2019 sco internat da mattatschas respectivamein pil dieschavel onn da scola. Studentas e students d'architectura dalla Scol'aula professiunala Grischun a Cuera ein sefatschentai dil diever futur dalla casa. Las 18 ideas ein da veser il mument ellas localitads dalla claustra, l'exposiziun entscheiva gest sper

l'entrada principala. Las lavurs dattan in vast spectrum co igl areal respectivamein il baghetg savess survegnir ina nova funcziun. La vernissascha dall'exposiziun ha giu liug il venderdis sera. Ils projects ein repartì sin localitads e zulers dalla claustra e quei ha in motiv: «Sin quella moda lein nus buca mo dar spazi als singuls projects. Nus lein era mussar ina part dallas localitads dalla claustra. Aschia lein nus che las visitadras ed ils visitaders fetschien buca mo patratgs davart la **Casa Vinavon**, mobein davart igl entir complex dalla claustra», di Sandra Koch Gross ch'ei responsabla pil marketing ella claustra.

«Las ideas inspireschen» Sora **Annemarie Müller** lauda las ideas dallas studentas e dils students: «Nus fussen buca vegnidas sin tontas bunas ideas. Igl ei fetg interessant. Las lavurs muossan che glied d'ordeifer mira cun auters eglis sils baghetgs respectivamein las pusseivladads persuerter. Las ideas inspireschan.» Las 18 ideas da project pigl areal dalla **Casa Vinavon** ein fetg differentas, seigi pertuccont la formaziun architectonica sco dil nez. Aschia per exempel sco liug da lavur e viver, clinica psichiatrica, casa per giuventetgna e vacanzas ni era sco casa alternativa per parturir ni per pazients da burnout. Mo lu era per art e cultura, seminaris, fitness, terapia e sentupada per dunnas, spazi da viver

communabel ni sco casa da musica. In'otra idea propona la casa per requirents d'asil minorens.

Mantener las ragischs L'impurtonza dalla claustra e la cuminonza dallas **dominicanas** per la vischnaunca d'Ilanz/ Glion ei vegnida puntuada il venderdis sera dil president communal Marcus Beer all'avertura dall'exposiziun: «La vischnaunca beneventa l'iniziativa dalla claustra da s'occupar digl avegnir dils baghetgs. Quella ei curaschusa e muossa il spért d'interpresa. La claustra ei in'impurtonta instituziun per la vischnaunca e la regiun.» La meinafatschenta dil menaschi da survetsch dalla claustra, Caroline Schweisgut, vesa l'exposiziun da projects dalla **Casa Vinavon** sco punct da partenza per ina discussiun publica davart igl avegnir dils baghetgs dalla claustra dominicana: «Nus lein mirar egl avegnir dalla claustra sco liug da ruaus, sentupada e scolaziun. Nus lein far quei cun risguard dallas ragischs dalla claustra.» Pusseivels seigi in nez sco menaschi da hotellaria, habitaziuns, per cultura e congress, canorta d'affons pigns, scola e studi.

Studi da realisabladad «Communablamein cun in'interpresa specialisada sil nez da baghetgs existents lein nus examinar las pusseivladads. Parallelmein duei ei dar



La Quotidiana
7007 Chur
081/ 255 52 52
<https://www.suedostschweiz.ch/laquotidiana>

Medienart: Print
Medientyp: Tages und Wochenendpresse
Auflage: 3'359
Erscheinungsweise: täglich

Seite: 3
Fläche: 83'358 mm²

Auftrag: 3009371
Themen-Nr.: 140008
Referenz:
22e87db2-a695-4dbd-b262-a61d9fa359d4
Ausschnitt Seite: 2/4

in studi da realisabladad», di Caroline Schweisgut. Naturalmein che la finanziaziun d'eventuals projects ei ina part dallas ponderaziuns, pertgei la claustra retscheiva daners ordinaris ni

dil stadi ni dalla Baselgia. Sco quei che Caroline Schweisgut ha medemamein detg alla FMR, ei la claustra dominicana era en discussiun culla claustra benedictina a Mustér: «Nus

lein profiter ed emprendre in da l'auter.» Quell'idea propona ina cumpletaziun dalla **Casa Vinavon**.

«Las forzas tschessan» «Entuorn igl onn 2000 eran nus aunc 100 soras cheu a Glion. Ussa essan nus aunc 70 e da quellas ein aunc sulettamein duas buca ella vegliadetgna d'AVS (Assicuranza per vegls e survivents)», di sora Annemarie Müller, presidenta dil cussegl da fundaziun e priura generala dallas dominicanas da Glion. Essend ina buna part dallas soras en aulta vegliadetgna e per part era cun basegns da tgira, recepeschi la claustra neginas novizas pli. In dils motivs principals seigi la munconza da resursas persunalas: «Nus havein buc il temps e la capaciad d'introducir ina noviza. Auter fuss quei eventualmein, sche gest treis ni quater vegnessen il medem mument, lu fagess ei senn da far ponderaziuns.» Aviarta ei la cuminonza vinavon per dunnas che vegnan en claustra per entginas jamnas. «Las forzas tschessan, las localitads sesvidan e per quei motiv stuein nus tschercar soluziuns», di sora Annemarie Müller. (fmr/hh)

«Las lavurs muossan che glied d'ordeifer mira cun auters egls sils baghetgs respectivamein las pusseivladads persuerter. Las ideas inspireschan.» Sora Annemarie Müller

Datum: 11.11.2024



La Quotidiana
7007 Chur
081/ 255 52 52
<https://www.suedostschweiz.ch/laquotidiana>

Medienart: Print
Medientyp: Tages und Wochenendpresse
Auflage: 3'359
Erscheinungsweise: täglich

Seite: 3
Fläche: 83'358 mm²

Auftrag: 3009371
Themen-Nr.: 140008
Referenz:
22e87db2-a695-4dbd-b262-a61d9fa359d4
Ausschnitt Seite: 3/4



Sora Annemarie Müller, presidenta dil cussegl da fundaziun e priura generala dallas dominicanas da Gilon (dretg) ensemen culla meinafatschenta dil menaschi da survetsch dalla claustra, Caroline Schweisgut. Ellas selegnan dallas bunas ideas pil nez futur dalla Casa Vinavon. FOTOS HANS HUONDER

Datum: 11.11.2024



La Quotidiana
7007 Chur
081/ 255 52 52
<https://www.suedostschweiz.ch/laquotidiana>

Medienart: Print
Medientyp: Tages und Wochenendpresse
Auflage: 3'359
Erscheinungsweise: täglich

Seite: 3
Fläche: 83'358 mm²

Auftrag: 3009371
Themen-Nr.: 140008
Referenz:
22e87db2-a695-4dbd-b262-a61d9fa359d4
Ausschnitt Seite: 4/4



Quell’idea propona ina cumpletaziun dalla Casa Vinavon.